



西
陂
類
稿

迎
鑾
日
紀
二
紀
三
紀

第
十
四
冊



西陂類稿卷四十

商丘宋犛牧仲

迎鑾日記

康熙三十有七年冬十二月 六飛歸自關東

時邊徼寧謐薄海宴安

皇上德盛化神庶務就理獨淮揚

地方屢被災傷蒙 天恩汪濊蠲租賑濟至再

至三萬民感頌永永無既復念河工重在得人

特命直隸巡撫于成龍仍以兵部尚書總督河道

假以便宜行事其一切修防事宜

西陂類稿

卷四十

一

聖衷久有成算非親為指授未易底績于是有明

春 巡幸江南查閱河工之命三十八年正月

准鴻臚寺咨沿途各官著五十里以內迎送准

兵部咨沿途安設塘站調遣扈從兵馬准總督

倉場咨預備船隻繹夫准工部咨預備木柴准

光祿寺咨凡日用豬鵝鷄鴨等物照時價採買

准禮部咨

皇上所過嶽瀆仍行致祭時江南江西總督臣張

鵬翮 新命甫下尚承讞秦中未即莅任一應

西備辦及修理

行宮道路皆萃

臣

犛一身爰遴

員分委以按察使趙世顯董其成諸費皆取給
於官俸役食毫不問之民間正月二十一日臣
榮發擢吳門涉江渡河往來察視二月初五日
會總督於揚州府鼓率屬員夙夜趨事恭聞
法駕二月初三日出京由水路奉

皇太后臨幸江浙於省方勵俗中曲盡晨昏定省
之禮

聖孝崇隆超越千古臣榮躬逢盛典謹橐筆於龍
旂豹尾間按日紀錄名曰迎鑿日記云

二月二十五日總督臣張鵬翮提督臣張雲翼江
西陂類稿卷四十

二

寧巡撫臣宋榮安徽巡撫臣李鈞學院臣張榕端
鹽院臣卓琳總兵臣劉含高梁鼎及司道諸臣於
山東臺兒莊地方跪迎

聖駕

上張蓋坐船首望見督臣卽問云聞爾偶病幾
日今已全愈否臣鵬翮奏云臣託

皇上洪福臣已全愈又問云第三員為誰臣榮

奏云臣江寧巡撫宋榮是日

駐蹕黃林莊鴻臚寺率臣等於行宮前行三跪

九叩頭禮又蒙問總督身子全愈否臣鵬翮奏

云臣已全愈薄暮大風雨雪二十六日
駐蹕宿遷縣二十七日卯刻啓行辰刻御舟泊

劉老澗

上乘馬閱歸仁堤大學士臣伊桑阿臣阿蘭泰在
籍大學士臣張玉書戶部尚書臣馬齊兵部侍郎
臣喻成龍工部侍郎臣常綬在籍工部侍郎臣李
棟扈從太監李玉傳

旨督撫隨駕時督臣鵬翮復抱微恙臣肇遵
旨隨行

上於馬上顧臣肇云宋肇多少年紀臣奏云臣年

西坡類稿

卷四十

三

六十有六

上微笑云健甚途次侍衛馬武傳

旨問巡撫齒好麼眼好麼臣奏云俱好燈下看文
書要用眼鏡又問服甚藥臣奏云臣所服不過尋

常藥餌因幼年多病中年以來時時謹飭是以老
年略可支持少頃又問巡撫可將家世奏來爾

父大學士及爾幼年侍衛一段業已知之不必奏

臣奏云

臣

祖沾以明萬曆朝舉人為山東福山令

有惠政曾伯祖纏嘉靖朝進士萬曆朝官至吏部
尚書謚莊敏明史有列傳此後官郎署者尚有人

臣惟凜遵家訓不敢負

朝廷不敢負先世時提督臣張雲翼扈駕與臣聯轡而行侍衛海青傳

旨問提督三江入海是那三江提臣未及對臣犖

云三江爲黃浦江吳淞江婁江今婁江湮沒無傳

所存者黃浦吳淞二江耳又問何謂三泖臣奏

云謂上泖中泖下泖也又問有山否臣奏云其

地有九峰所謂三泖九峰也明處士陳繼儒居其

地彼時頗多亭榭今已蕩然海青覆旨少頃回

云

西陂類稿

卷四十

四

皇上說巡撫奏的是與昔日王鴻緒所奏同又

問御舟可至松江否臣奏云自蘇至松河路淺阻

泖湖又風浪可虞臣雖未至聞之頗確午刻至黃

河岸

上用西洋儀器驗視河堤旋渡河申刻至歸仁堤

復加驗視

駕返侍衛馬武於馬上傳

旨巡撫曾閱過黃河幾次此堤曾到否臣奏云臣

曾同吏部尚書熊賜履督臣傅臘塔安徽撫臣江

有良查過堤壓河占地畝非查河也前歲同督臣

范承勳漕臣桑格河臣董安國安徽撫臣陳汝器
查勘河臣所題應修各工至估計錢糧係河臣自
行題准臣原未沿河遍查少頃又傳

旨巡撫是有年紀的人又是有名望的人家有何
治河善策卽刻與中堂會議覆旨臣隨向中堂
云河道關國計民生最爲重大必歷任河工之員
將全河數千里情形了然于胸中方可從長畫策
卽恩恩看過兩三次恐亦未能洞悉况原未嘗遍
歷人臣貴乎無欺臣實不敢妄對中堂云巡撫所
奏與我們所見同隨覆 旨訖二十八日

西陂類稿

卷四十

五

駐蹕清河縣酉刻

皇太后御舟自北來

皇上親迎數里文官督撫以下武官將軍提督以
下於河干跪迎請

皇太后安隨蒙

皇太后賜問爾等好麼二十九日文武各官早渡
河候

駕因風大御舟暫停傳

旨各官於南岸祇候不得渡河而北三月初一日

卯刻

上奉

皇太后渡河泊清口大風雨

上乘馬幸高家堰

臣

犛與諸大臣扈從至關王廟

少憩

上命河臣于成龍漕臣桑格府尹臣徐廷璽

臣犛

跪又御座西大學士尚書侍郎諸臣跪又御座東

出河圖指示諸臣諭云河道關係重大朕親臨閱

視拯救民生爾等有何善策諸臣奏云

皇上自有睿裁

臣

等恭候

聖訓

上云治河一事朕籌之最久昨想有一法說與于

西陂類稿

卷四十

六

成龍成龍甚喜今與爾等說知大要以先治上河

引水刷沙為主反覆指示明晰諸臣皆歎服

臣犛

奏云此法奇而正上與神禹相合所謂行所無事

也

上又云昔直隸巡撫沈朝聘因百姓被災對之而

泣朕謂爾不思所以拯救徒泣何益今與爾等商

議正欲拯救百姓耳諭畢還 御舟隨傳

諭大學士伊桑阿阿蘭泰尚書馬齊侍郎常綬諭

成龍李紳總漕桑格總河于成龍協理河務府尹

徐廷璽江寧巡撫宋犛員外郎赫韶瑟登德費揚

古等朕念河道國儲民生攸關親行巡幸由運河一帶以至徐州迤南黃河細加看閱黃河底高灣多以致各處受險又至歸仁堤高家堰運口等處留心細閱見各堤岸愈高而水愈大此非水大之過皆因黃河淤墊甚高以致節年漫溢黃河若淤高二尺則水高二尺淤高一丈水卽高一丈若治河單以築堤終屬無益如不將黃河刷深徒費錢糧且運口太直黃水倒灌兼之湖口淤墊以致清水不能暢流各河與洪湖之水如何得能敵黃若將清河至惠濟祠掃灣由北岸挑引入惠濟祠後

西陲類稿

卷四十

七

入河而運河再向東斜流入惠濟祠交匯黃水如何得能倒灌朕欲將黃河各險工頂溜灣處開直使水直行刷沙若黃河刷深一尺則各河之水少一尺深一丈則各河之水淺一丈如此刷去則水由地中而行各壩亦可不用不但運河無漫溢之虞而下河淹漫之患似可永除矣朕意如此是否爾等直奏不得以朕旨爲必是朕亦是一時意見亦不能保其必然且攔黃壩灣曲馬家港窄狹雖將時家馬頭之口堵築而黃水不能暢流山陽南岸韓家莊等處險工甚屬可虞至於下河不必挑

濬如將上河修築堅固則下河不治而自治矣今朕念民生運道親行巡幸如不溯本窮源分晰條治於民生何益將來每歲加幫高家堰等堤堵築時家馬頭等口徒致糜費錢糧滄害百姓今應將清口之西壩臺加添挑水壩修築堅固加長過於東壩臺將清口安置裏邊洪澤湖擇其水深之處開直成河使湖水流出黃河灣曲之處直挑引河使各險處不得受衝董安國馮佑將河道廢壞已極此各工程責令賠修贖罪其下河現有積水不得不引出歸海將串場河射陽湖鰕鬚沙溝一帶

挑通引積水流入歸海其攔黃壩應行挑拆時家馬頭暫緩堵築俟黃水流定汰黃堤築成之日再將時家馬頭決口堵塞至於歸仁堤人皆稱係保護明季皇陵此俱係妄談三四十里路之堤如何護得明季皇陵此堤之修專因水漲之時毛城鋪等處發來之水至歸仁堤攔回仍歸黃河之意此堤亦應酌量修築至於運河之水少有不濟治之甚易爾等係河臣係爾等專責若此治法一成則河道可保無虞如不然另想別策務必將被滄州縣之水災盡除方不負朕南巡救民之意爾等若

挑挖引河其原有工程仍照舊令各官修防不可
怠忽俟挑完引河黃水歸入故道再將下河串場
河與射陽湖涇河蝦溝沙溝挑數處通流使水歸
海至於邳州清河桃源安東山陽寶應高郵江都
泰州興化鹽城等州縣百姓困苦已極如欲賑濟
而窮民不霑實惠殷實之人反得行其冒買每一
州縣或截留漕糧一萬石或截留數千石比時值
減價糶賣則窮民實有裨益邳州差部官一員糶
賣其餘別處米石責成總漕桑格總河于成龍同
地方大臣委令地方官糶賣如此救治諒百姓似
不致流離河道永無衝決朕意如此是否允當爾
等直奏不得以朕旨爲必是爾等會同速議具奏
初二日風雨未行

上諭諭戶部朕君臨天下期於黎民樂業各獲其
所凡興利除害之事靡不舉行蠲免賑濟之恩靡
不下逮比年以來因淮揚所屬地方疊罹水患業
已歲蠲額賦調恤頻施又動支數百萬帑金責令
在河諸臣於應挑應築之處酌量修理務使氾濫
之水匯歸入海被滄之廬舍田畝盡皆涸出用底
幹寧乃錢糧竟爾虛費卒不能使積潦有歸田廬

未涸民生未遂朕聞之惻然軫懷值此四方無事之時欲將一切修舉事宜詳閱指示用是躬親臨幸沿途審視黃河水勢諮訪地方父老比至歸仁堤高家堰量地形高下應挑應築已經一一明示河臣惟是被滄地方米價翔湧生計維艱朕目擊民依深用厯念著將漕糧截留十萬石于高郵寶應興化泰州鹽城山陽江都受災七州縣各留一萬石悉較時價減值發糶餘米三萬石著於邳州留八千石宿遷桃源清河安東四縣各留五千五百石亦較時價減糶此各州縣發糶之米著就近西陂類稿

卷四十

十

交與漕運總督河道總督邳州著遣司官一員前往監視再截留十萬石於揚州淮安各收貯五萬石這應留漕糧不論何處米石著就近截留爾部卽遵諭行特諭初三日午刻至淮安

駐蹕總漕衙門萬民獻衣獻宴 溫諭不收初四日

駐蹕總漕衙門河道總督于成龍轉傳與大學士伊桑阿阿蘭泰等奉

上諭直隸廣平府知府石佳彝年久操守好用度節儉著補授兩淮運使正項錢糧外伊每年應得

之數留伊足用餘銀著解送河工兩浙長蘆兩廣
河東福建此五處運使亦照伊應得之數留伊足
用餘銀著解送河工倘有自己所得銀兩不發科
派商人從重治罪初五日卯刻啓行商人項鼎玉
駐蹕界首初六日卯刻啓行大雨

駐蹕高郵初七日卯刻啓行午後抵揚州府

駕入城 駐蹕張氏民居 幸天寧寺初八日

駐蹕揚州

上奉

皇太后幸天寧寺 賜寺僧千金

西陂類稿

卷四十一

十一

駕還於 行宮門首顧督臣鵬翮云爾病全愈否

臣鵬翮對云臣已全愈少頃 賜臣鵬翮 臣肇

御膳六簋時萬民獻宴 溫諭不收初九日午後

啓行

駐蹕金山初十日

駐蹕金山十一日午後啓行過鎮江

駐蹕丹徒鎮十二日卯刻啓行兩淮商人項鼎玉

等叩 闈求免加斤贏餘銀兩奉

旨將商人叩闈本交與總督查議又

上諭大學士伊桑阿等商人叩闈本已經交與總

督爾等會同議奏後叩 闈者多或交總督或交
巡撫隨時查明覆 旨晚

駐蹕常州十三日卯刻啓行鹽城縣饑民蘇祥等
五十五口叩 闈請賑隨給銀五十兩諭令回籍
奉

上諭諭刑部朕愛養民生慎重刑獄凡有奏讞時
示矜全茲鑾輿南巡見沿途老穉男婦環跪歡迎
心甚嘉悅念此編氓皆吾赤子原期生聚教訓共
底善良其或陷於刑章致困囹圄改過無路惻然
傷之所經過山東江南兩省見在監禁人犯除十
酉陂類稿 卷四十 十一
惡真正死罪及詔款不赦等罪并官吏犯贓不宥
外其餘自康熙三十八年三月十五日以前死罪
及軍流徒罪以下已結未結俱著寬釋此朝廷巡
幸所至欲使竝生之至意可通行曉諭令咸悉朕
懷爾部卽遵諭行特諭

上諭諭戶部東南爲財賦重地朕時切軫念頻歲
以來雖在邊塞用兵之際未嘗不夜殷殷倦懷
寬恤茲以中外昇平特事巡省并閱河工比至江
南親察民間饒瘠之狀見淮南北地方疊罹水患
深用惻然已經屢蠲屢賑仍命截留漕糧減價平

糴其餘各州縣固市肆安輯耕鑿恬熙而額賦浩繁民生拮据歷年逋負積算日增合江蘇巡撫安徽巡撫所屬舊欠帶徵錢糧計及百萬念小民方供新稅復急舊逋物力維艱勢難兼辦里井旣多催科之擾官吏復滋叅罰之煩應沛特恩槩行蠲豁除康熙三十三年恩詔內已經赦免外其三十四五六年奏銷未完民欠一應地丁錢糧米麥豆雜稅爾部行文該督撫察明俱著免徵務飭有司悉心奉行俾窮簷蔀屋均霑實惠如有已徵在官詭稱民欠希圖侵蝕肥己者一經發覺定從重治

西陂類稿

卷四十

十三

罪朕深處宮禁與巡歷方隅無非孳孳民事但使閭閻豐足則國家裨益良多以此不惜蠲除頻敷德澤凡厥官吏軍民宜咸知朕意爾部卽遵諭行

特諭

上諭諭吏部朕以勤求民隱閱視河工特舉鑿輿巡省南服一切供御之費皆自內庭儲備不下煩於有司而經過山東江南地方各官備辦夫船等項効力殊屬勤勞此等官員有因公註誤罰俸住俸降俸降級革職留任者著察明悉從寬免爾部卽遵諭行特諭晚

駐蹕無錫縣黃埠墩

上奉

皇太后幸惠山秦園十四日卯刻啓行午後抵蘇

州府

駐蹕織造衙門

臣

聲進書畫數種蒙收六種

臣

啓

奏

臣 夙仰慕

御書因遠違

闕廷未蒙

恩賜

今幸覲

天顏敢冒昧懇請移時侍衛海青捧出

御書仁

惠誠民四字云叫巡撫看好麼

臣

跪瞻之下見

天章煥爛雲漢昭回晉人風韻唐宋體格兼備真

西坡類稿

卷四十

古

集書法大成為從古帝王所不及但此四字

臣 不

敢當又傳

諭明日另書綾上用寶賜爾

臣

隨叩謝出十五日

雨

駐蹕織造衙門十六日雨

駐蹕織造衙門侍衛馬武海青五十太監李玉捧

出綾書仁惠誠民四字

御書天馬賦一卷

御

筆臨米芾書一幅

淵鑒齋法帖十冊

御製耕

織圖一冊

御書懷抱清朗四字云可做爾書房

匾又涼帽一頂上綴大東珠一顆石藍龍紬狐腋

裘一件元青緞貂褂一件石青緞羊皮煖鞞一雙
上諭俱係朕躬現著今解賜與爾又 賜鹿肉乾

八束糟鹿尾六個糟鹿舌六個糟野鷄一隻糟家
鷄一隻關東羊二牽嬾子酒一瓶太監梁九功又
捧出竹柄白面詩扇一把

諭云此係朕征厄魯特時在口外作的詩與巡撫
看卽賜與又

諭云爾做官好故此賜爾臣隨行三跪九叩禮謝

恩伏念臣起家門廕由侍衛外補黃州府通判歷

任理藩院院判刑部員外郎中陞任通永道僉事

西陂類稿

卷四十

十五

僅僅循分奉職未有寸長蒙

皇上破格陞授山東按察使甫五月陞授江蘇布
政使未及五月 特簡江西巡撫莅任四載調補

江寧巡撫不過潔己率屬安靜守拙今蒙

皇上曠代洪恩頒賜多種不但感激涕零亦且媿

而汗下臣子孫衆多異日分給世守永戴 皇恩

臣惟有祇遵 聖訓始終一節以報高厚於萬一

而已是日大學士伊桑阿等議得兩淮商人項鼎

玉等叩 闕本內稱河東加斤久蒙 恩免長蘆

兩浙加鹽二十五斤納課三分五分一錢不等獨

兩淮加鹽二十五斤納課二錢五分將此加斤銀四十餘萬兩籲懇酌免等語但各處商人加增鹽課之由竝河東加斤係何年奉旨豁免及長蘆兩浙兩淮加鹽均屬二十五斤而課銀輕重不等之處檔案俱在戶部現今無憑查考相應交部俟回京之日逐一查明再議又稱額外贏餘銀十五萬兩籲懇豁免等因康熙三十三年十二月部議加增各關差鹽差課銀一疏具題奉

西陲類稿

卷四十

十六

旨這加增銀兩俱出於該差官員所私得贏餘之數不得借端於定額外多徵貽累商民欽此開載甚明竝未令派商人相應再行嚴禁嗣後不許私派商人亦不得擅給俱令巡鹽御史及筆帖式將所得贏餘銀兩解部如有私派者一經發覺從重議處抑臣訪問兩淮相循弊端凡行鹽之處督撫以下官員俱有餽送陋規江南總督衙門陋規一萬兩督臣張鵬翮莅任已經裁革巡撫衙門陋規一萬兩宋犖自到任至今從不收受通計各處所費銀兩數目頗多將此餽送陋規槩行禁止亦不許商人擅自應給庶商力克然有餘而國課無

缺矣奉

旨依議奉

上諭朕巡幸江南經過沿途地方見百姓接駕者甚多路旁麥苗茂盛恐其踐踏該督撫遍行曉諭不許百姓踐踏麥苗又諭朕幸南園外驛又接見諭云朕踐踏麥苗幾莖百姓諒也不惱但恐衆百姓看朕未免傷損者多所以此番南巡朕不輕登岸亭午

上奉

皇太后幸虎丘十七日雨

西陂類稿

卷四十

七

駐蹕織造衙門十八日

駐蹕織造衙門恭遇

萬壽聖節

上諭免行禮各官於行宮門外叩祝自抵蘇以來各郡士民赴行宮謝蠲租恩者日以萬計或獻宴獻衣俱溫諭不收瑞光寺圓妙觀及鄧尉華山諸處紳士商民僧道人等皆建醮祝壽內而扈從諸臣外而各省將軍督撫提鎮司道諸臣及在籍各官多有進獻

上量收字蹟書籍文玩各一二種隨酌賜御書

衣物有差者民年至百歲內外者各有恩賜如
九十一歲諸生褚篆蒙賜海鶴丰姿四字九歲
能書童子江弘文蒙賜御書石刻千字文及帑
金二十錠皆異數云十九日

駐蹕織造衙門

上諭諭吏戶兵三部朕睽念東南民生風俗特行
巡省兼以黃淮為患親閱河工比循歷堤堰詳加
相度以疏導修築之法指授河臣刻期興作隨南
涉江表徧察民依頃至蘇州府駐蹕有浙江文武
官吏及在籍官員迎謁於行在言浙民望幸之心
西陂類稿卷四十
甚殷且切合詞諄懇不啻再三朕勉狗輿情揚旌
前發以三月十九日啓行自出京師以來一切供
御之需皆已儲備其沿途日用令該衙門照各地
方時價採辦一無所累於民如有官吏借名科派
致擾閭閻者察實以軍法從事地方大小文武官
員與扈從官員藉稱親舊私相餽遺與受之人及
扈從大小官員隨從人等有橫行生事者一并軍
法從事凡經過地方百姓各安生業皆如常時務
令塵無廢市隴不輟耕毋得惶懼引避方今正屆
農時所過田畝勿令踐踏其軍民人等懷挾私怨

受人指使擅於駐蹕處所輒行告訐者一槩嚴禁不准仍照衝突儀仗例嚴加治罪爾部卽傳諭扈從大小官員人等竝行該督撫於各府州縣城市鄉村徧張告示徧行曉諭務令億兆通知以副朕體恤惠愛至意特諭太監李玉傳

旨巡撫寫的字及平日詩文取來看臣啓奏臣幼

年頗習字中年以來簿書鞅掌草草批判竟不成

字偶作署書及一二牋牘皆臣子代之至文章一

道臣不敢言獨聲律之學稍稍津逮見有刻本蒙

恩宣索不敢冒昧進呈容繕錄另日覆旨隨傳

西陂類稿

卷四十

十九

旨爾子幾人寫字者是何名行幾年若干曾做官

否臣奏臣子六人見存者三寫字者係次子至年

四十四丙子科順天副榜貢士又傳

旨爾刻本詩可卽進來不必繕錄隨以臣所撰綿

津詩集二十二卷恭進訖辰刻御舟出葑門幸

浙江暮抵平望二十日卯刻啓行辰刻奏事存柱

傳

旨命江南江西總督臣張鵬翮江寧巡撫臣宋榮

登舟

上諭朕此番巡幸見江南氣象蕭索比前此不同

其何以故臣鵬翮奏云連日陰雨百姓多著舊衣似不甚美觀其實地方情實與前不甚相遠又諭云去歲吳中大熟米價何以不賤臣犖奏云吳中爲江海通津往來糴糶者絡繹不絕從來米價不大貴亦不大賤又

諭云邇來比中吏治與前不同當年巡撫韓世琦那樣貪婪今日巡撫宋犖如此聲名彼此相去遠甚臣犖奏云臣至愚極陋筮仕之初想望一方面而不可得安知有今日今蒙我

皇上千載殊知屢賜褒獎臣非草木敢不益加

西陂類稿

卷四十

二十

黽勉臣到任以來將種種弊政漸次革除如松江漕糧從前地方官紳士民刻有公議幫貼一書其實公議卽私弊也臣嚴行禁革焚其書此後當不致復踵前弊臣鵬翮奏云臣到任卽與撫臣嚴飭地方官第一嚴禁火耗或加至五六分者臣等卽行題叅久之當有成效又

諭云朕聞明季吳中富庶與今不同臣鵬翮奏云臣生也晚聞諸故老皆云明季太監魏忠賢亂政殺害忠良緹騎四出當周順昌被拏之日有五人焉以義憤毆死校尉致罹慘禍今山塘五人之墓

是也彼時民不聊生豈今 聖世之比又
諭云吳人每日五餐得毋以口腹廢事乎臣等奏
云此習俗使然

上笑云此事恐爾等亦未能勸化也臣鵬翮等奏
云地方有三事臣等啓奏請 旨

上云說來隨奏云恭遇我

皇上南巡蠲免江南康熙三十四五六年積欠錢
糧軫念淮揚被災州縣截留漕糧二十萬石平糶
積貯加惠民生萬姓歡呼感戴

皇上浩蕩之恩查有康熙三十七年淮揚被災海

西陂類稿

卷四十

十一

州高郵等九州縣淮大二衛經前任督臣范承勳
同撫臣宋犖等會 題戶部議覆照例免十分之

三尚有七分未免災民拖欠地丁漕項等銀十九
萬兩零漕糧米麥等項共十一萬石零事關錢糧
臣等未敢請免伏望 聖恩分年帶徵以紓民力

奉

旨俱著免了說與大學士又奏稱蘇州一郡爲江
南財賦重地事務殷繁知府缺員伏乞

皇上選擇賢能之員補授庶於地方有裨奉

旨爾等將好官舉來欽此該臣等保舉江寧同知

丁易松江同知石文焯徐州知州孔毓珣此三員俱係好官伏候

皇上欽定一員

上云何人在此臣等奏云石文焯在此奉

旨著將石文焯補授又奏稱蘇松糧道所管錢糧漕米甚多係緊要之缺今糧道劉殿邦係新任布政使劉殿衡之兄例應迴避查有兩淮運使劉德芳做人老成操守謹飭才堪任使雖陞陝西糧道但陝西錢糧少蘇松錢糧多更屬緊要伏乞

皇上將劉德芳補授蘇松糧道庶人地相宜奉

西陲類稿

卷四十

三

旨著將劉德芳補授蘇松糧道俱說與大學士傳旨補授見有于成龍啓奏補授兩淮運使之例此後不爲例臣 榮奏云江南州縣原有調繁調簡之

例但原定繁簡地方今昔異宜如吳江宜興當年錢糧多不能完近以全完議敘長洲首縣賦重難完竟以地簡目之似當另行酌定以便題調

上云有治人無治法如爾等題來朕無不信心處正無庸改例也臣 等奏云江南臬司趙世顯才幹

優長此番効力頗多

上云誠然臣 等又奏云江南為財賦重地以後藩

司缺出望

皇上將彭鵬補授

上首肯是日

天顏和霽垂問慙慙俾臣等下情一一詳奏誠爲非常榮幸晚至嘉興皂林

駐蹕二十一日辰刻啓行抵謝村

駐蹕二十二日辰刻啓行抵杭州府

駐蹕織造衙門

上諭諭戶部朕因淮揚地方數被水患躬臨巡省

目擊田廬滄沒之苦深加軫恤旣截留漕糧以濟

西陂類稿

卷四十

三

民生仍蠲除積欠以舒民困其昨歲淮揚兩屬被災錢糧曾經該督撫具題部議照例減免三分今念百姓餬口維艱安能辦賦應破常格用沛特恩淮安府屬海州山陽安東鹽城揚州府屬高郵州泰州江都興化寶應九州縣竝淮安大河二衛康熙三十七年未完地丁漕項等銀一十九萬有奇米麥十一萬有奇著全與蠲免爾部行文該督撫卽飭各州縣張示曉諭務體朕憫惻災黎之至懷俾窮鄉僻壤均霑實惠有不肖官吏私徵侵蝕者察出定治重罪特諭二十三日

駐蹕織造衙門雨辰刻晴其稱謝進獻賞賚與蘇州同

上幸雲棲寺二十四日奉旨於蘇州府城內西門外上幸雲棲寺二十四日奉旨於蘇州府城內西門外

駐蹕織造衙門辰刻

上奉

皇太后幸西湖二十五日

駐蹕織造衙門雨午後晴

上命直郡王誠郡王赴教場宴賞駐防滿洲

官兵二十六日

駐蹕織造衙門

西陂類稿

卷四十

三

上諭諭戶部朕以省方問俗巡歷三吳比至浙省見沿路農桑固徧隴畝而地有肥磽時有豐歉歷年正供錢糧因輸納維艱致多逋負雖已准分年帶徵而新舊之賦取給於一時恐力作之民終難於兼辦應通行蠲豁以弘庥澤除康熙三十三年以前恩詔赦免外其三十四五六年奏銷未完民欠地丁錢糧米麥豆雜稅著一槩免徵爾部行文該督撫責令有司悉心奉行務俾均霑實惠如有官吏以完作欠詭辭侵蝕者察出定從重治罪夫朝廷頻賜田租所以優恤民力誠使閭閻之間人

敦本業家有餘儲則藏富在民朕深嘉賴可傳示
官吏軍民人等令咸知悉爾部卽遵諭行特諭
上諭諭吏部朕頃自江南巡歷浙省沿途供御悉
經儲備不以纖毫取辦閭閻而地方官員料理夫
船等項一無缺悞殊屬勤勞此等官員有因公註
誤罰俸住俸降俸降級革職留任者著察明悉從
寬免爾部卽遵諭行特諭

上諭諭刑部朕巡視東南行次浙省因官吏軍民
依戀誠懇特留蹕數日以慰喁喁奏請之情獨念
獲罪人犯身淹刑獄一干法網無繇自新茲乘輿
西陂類稿

卷四十

五

經臨惻然矜憫用沛好生之澤聿示格外之仁該
省各屬地方有罪犯現在監禁者除十惡等真正
死罪及詔款不赦等罪與官吏犯贓不宥外其餘
自三十八年三月二十六日以前死罪以下已結
未結悉著寬釋夫省刑寬罪者朝廷之殊恩守身
奉法者小民之常分必使黎庶嚮風咸知寡過斯
稱朕孳孳教育羣生至意也行文該督撫徧傳所
屬張示曉諭爾部卽遵諭行特諭

上再幸西湖
御書西湖十景諸額
瑩以扈從得
涉湖山之勝
薄暮獨坐冷泉亭
啜茗而還二十

七日
駐蹕織造衙門
上臨教場大閱滿洲官兵
諭浙省各官隨駕餘免扈蹕是晚中堂掌院
諸臣傳述昨晚奏事畢

上評論各官云如大學士吳璵總督張鵬翮巡撫
宋犖三人做官朕可以無憂二十八日

駐蹕織造衙門

上由吳山三幸西湖遣太監顧問行內務府郎

中皂保普陀進香賜御書匾額是日傳

西陂類稿

卷四十

三

旨啓行因臣民懇留允住一日二十九日

回鑾

駐蹕塘棲三十日卯刻啓行晚

駐蹕嘉興府四月初一日還蘇州

駐蹕織造衙門初二日

駐蹕織造衙門

上諭諭戶禮二部朕子育黎元勤求治理日孜孜
以施德澤厚民生爲急務而江浙二省尤東南要
地朕時切軫念比歲以來蠲豁田賦賑濟凶荒有
請必行無災不恤雖漕項錢糧向未蠲免者亦曾

經特旨蠲免愛養之道備極周詳庶幾民生日益
康阜用是乘輿時邁於視河事竣巡歷江浙諮訪
民間情形見淮揚一路旣困潦災而他所過州縣
察其耕穫之盈虛市廛之贏絀視十年以前實爲
不及此皆由地方有司奉行不善不能使實惠及
民所以小民雖懷愛戴之誠而朝廷恩澤卒未下
究朕目擊屢懷亟思拯恤截留漕糧寬免積欠已
另有諭旨惟各鹽差關差向因軍需繁費於正額
外令在差官員以所私得贏餘交納充用今思各
官孰肯自損私橐勢必仍行苛取商瘠民困均坐
西陵類稿

卷四十

三

此弊著將加增銀兩一概停罷以紓商民之累其
兩淮鹽課康熙十六年曾加增四十萬兩今恐商
人辦課維艱漸致匱乏著減去二十萬兩此外有
應行應革事宜朕還都以後仍加商確次第舉行
該督撫藩臬皆地方大吏亦著悉心體訪凡有可
爲民興利除害者作速勘實陳奏嚴革雜派禁止
刁訟然後胥吏不能作奸良民得以安業倘官吏
有悖旨妄行者許商民首告該督撫察出卽行參
奏朕視民如傷惟恐一夫不獲其所茲值海宇昇
平兵革不事正當與民休息之時故特渙沛德音

減徵寬稅以爲閭閻留有餘之力萬一嗣後別有急需或不得已而稍議加增想在小民亦能共諒朕懷輸將之恐後也至於江南浙江人文稱盛入學名數前已酌定增額今著於府學大學中學小學各增五名舉行一次以示獎勵人才至意爾二部卽遵諭行特諭大學士伊桑阿等傳旨廣西巡撫王啓元降四級調用員缺著將貴州按察使彭鵬補授又云鵬係骨鯁之臣必顧名節侍衛五十口傳

旨與大學士伊桑阿阿蘭泰原任大學士張玉書西陂類稿

卷四十

七

有吳廷楨文學屬優因冒籍革去舉人事情不甚大准其復還初三日

駐蹕織造衙門卯刻

駕幸華山鹽城泰州興化等州縣饑民鄧美芝等五十口途次叩閹請賑照賑饑例每名每月各給米七斗五合後請賑者甚多俱命臣榮依此給發又奉

上諭百姓來接駕者恐踐踏麥苗著督撫再行曉諭飭禁辰刻御舟至高攀橋進膳臣鵬翮臣榮同漕臣桑格侍岸上蒙賜御饌四簋內鮮茄一

種又賜臣鵬翮湯麪一盃云此麪甚淡然而有味爾以爲何如臣鵬翮奏云誠如

上諭又賜_臣犖蒸麪點心一盤云此係北方麥味較勝_臣犖拜賜後與諸臣分嘗御題華山翠

巖寺額御製詩一首警蹕來初地青山烏道深

風生松磴合雲暗石苔侵靜晝飛閒蝶餘春噪晚禽空留支遁跡物外托宸襟今次南巡凡名勝

多荷御筆留題如吳門雲泉菴改題爲慧業寺

御書般若臺精舍匾額常州馬蹟山祥符寺改題爲神駿寺并賜御製詩一首檻外青山縱目收

西陂類稿卷四十

三

繁花初落葉新稠更教點染煙雲色添得窗前翠欲流初四日

駐蹕織造衙門寅刻

上幸洞庭命_臣犖隨駕各官免扈從午刻舟抵

東山

上乘竹輿至席氏園林茶罷還舟觀者擁道

上命不必迴避時侍衛海青傳_臣犖至御前接

叩闔狀於稠人中踉蹌而前帽爲之墮海青向衆

云此老巡撫也爾等須讓道勿挨擠

上望見一笑迨還行宮漏下二鼓矣初五日

駐蹕織造衙門 御製省方詩一章東南農事已
春深菜隴花開滿地金獨愛小民勤力作馬頭堪
慰省方心侍衛馬武傳

旨原出京船隻用夫若干今回鑾仍照數給發如
有多要者將姓名登記亦不許私自多給如有私
給者查叅說與督撫知道是日傳

旨啓行因臣民懇留 允住一日初六日

回鑾於望亭

駐蹕 賜扈從大臣櫻桃臣犖分馱三顆初七日

過無錫再 幸秦園留 御書額至常州府

西陂類稿 卷四十

三

駐蹕初八日丹陽

駐蹕初九日登陸

駐蹕句容行宮初十日抵江寧府

駐蹕織造衙門其稱謝進獻 賞賚與蘇杭同十

一日

駐蹕織造衙門十二日

駐蹕織造衙門

上奉

皇太后幸報恩寺先是寺塔毀於火 賜帑金重
修至是告成 御題匾九面逐層懸挂十三日

駐蹕織造衙門遣兵部尚書席爾達祭明太祖陵
文曰維康熙三十八年歲次己卯四月庚子朔越
十三日壬子
皇帝遣經筵講官兵部尚書席爾達致祭於明太
祖曰維帝天錫勇智奮起布衣統一寰區周詳制
作鴻謨偉烈前代莫倫朕曩歲時巡躬修醕薦景
其遺轍不圉成規茲因閱視河防省方南邁園陵
如故睇松柏以興思功德猶存稽典章而可範溯
懷彌切奠醑重申靈其鑒茲尚期歆享午後
駕臨小教場滿漢諸臣咸集

西坡類稿

卷四十

三

上率 直郡王 誠郡王 五貝勒 七貝勒

八貝勒 十三阿哥及內大臣侍衛將軍副都統

以下各旗員提鎮以下各營弁依次較射馬步箭

上弓勁矢棘無一虛發臣民跪仰神箭靡不驚悚

王 貝勒 阿哥皆引發精熟技出天授

止還坐 御幄命牽 十三阿哥所騎黃馬立幄

前不施羈勒令一人騎馬上從鬣而下馬爲頰其

首從尾而下馬爲低其尻又分撲四足令人從馬

腹下出入馬帖然不動又牽一栗色馬示諸臣骨

竦神閒屹如堵牆

上云朕三征噶爾旦皆乘此馬一時觀者訝爲渥
注天馬申刻
駕還行宮十四日

駐蹕織造衙門辰刻

上親詣明太祖陵酌酒三爵還行宮是日傳

旨啓行因臣民懇留允住一日十五日

駐蹕織造衙門遣內大臣公福善兵部尚書席

爾達同總督張鵬翮於教場閱督標弁兵侍衛馬

武傳

旨御書治隆唐宋四字發織造曹寅製造匾額懸

西陂類稿

卷四十

三

挂洪武陵殿上其陵有頽壞之處交與巡撫宋榮

及曹寅修理十六日

回鑿舟泊燕子磯十七日

皇太后登陸

上江行晚會龍潭

駐蹕十八日卯刻啓行

駐蹕金山十九日

駐蹕金山

上乘舟舉網得鮓魚賜寺僧五百金浙閩總督

郭世隆覆奏兩浙鹽商方永昇等叩閩請免康

熙十六年加增課銀六萬二千餘兩奉

旨這所增銀兩著免一半該部知道青柳爾畢華
上諭諭戶部朕巡幸江南徧察地方疾苦深知民
間生計艱難故將通省積欠錢糧盡行蠲免所過
州縣有被災者俱經拯濟務俾得所茲鳳陽府屬
去歲潦災甚重是用破格加恩以示優恤康熙三
十七年該府屬壽州泗州亳州鳳陽臨淮懷遠五
河虹縣蒙城盱眙靈璧十一州縣竝泗州一衛未
完地丁漕項等銀米著一槩免徵爾部行文該督
撫卽飭該地方有司張示曉諭令窮鄉僻壤咸悉
西陂類稿

卷四十

三

朝廷曲軫災黎之至意如有不肖官吏悖旨私徵
使百姓不霑實惠者察出定治重罪爾部卽遵諭
行特諭二十日

駐蹕金山 御製閱河詩一章淮黃疏濬經費經營

跋涉三來不憚行幾處隄防親指畫佇期耕稼樂

功成 賜河臣于成龍二十一日午刻至揚州

駐蹕張氏民居 御製巡歷江南示意詩一章財

賦稱茲地時巡復此經春膏宜豆麥煙景徧林亭

靡麗風應換敦龐訓屢形施恩頻已責聊爾翠華

停二十二日

駐蹕揚州
上復奉

皇太后幸天寧寺傳事存柱大學士伊桑阿等轉
傳

上諭李宗孔先在給事中時肯言事因言事不合
外轉朕今至揚州見彼八旬有餘甚老在彼後進
者俱得上進而彼不得上進可憫任克溥因請封
誥隨憐其老賜與此亦與彼相同應給與內陞京
堂之名彼得榮耀爾等議奏本日奉

旨李宗孔給與給事中應陞大理寺少卿之職加
西陲類稿

卷四十

三

一級傳

旨次日啓行官民懇留未允二十三日巳刻啓行
舟過灣頭

上登岸觀聞與河臣于成龍協理河務臣徐廷璽
計議良久晚

駐蹕邵伯鎮二十四日抵界首

駐蹕存柱傳奉

上諭諭江寧巡撫宋犖朕今次前來見金山寺避
風館二處衆僧特設救生紅船在江以救溺水之
人亦是他們好處除伊等地畝錢糧外將一切丁

銀雜派等項今後俱著豁免二十五日御舟過
寶應鄉民獻魚藕並稿具奏備

上收藕廿枝至淮安

駐蹕二十六日

駐蹕清口日夕

上乘小船至洪澤湖觀水勢諸臣隨從漏下二鼓

還即御舟二十七日卯刻文苑官員各回并歸

駕臨河堤親授河臣方略以杖畫沙示之良久返

舟進膳畢渡黃河復往勘清河縣引河過桃源抵

崔鎮

西陂類稿卷四十

駐蹕二十八日

駐蹕宿遷縣二十九日

駐蹕邳州之泇口傳事存柱大學士伊桑阿等傳

旨明日至江南交界江南文武官員各回任總督

張鵬翮仍往陝西審事江寧巡撫事繁總督印務

交與吏部右侍郎陶岱署理遣侍衛五哥等往

海州雲臺寺進香賜御書匾額五月初一日江

南文武諸臣於山東臺兒莊地方跪送

御舟北上十五日旋蘇具奏謝恩

西陂類稿卷四十終

孫華金校字

西陂類稿

卷四十

三



西陂類稿卷四十終

孫華金校字

西陂類稿卷四十一

商丘宋犖牧仲

迎鑾二紀

皇上御宇四十有二年無日不以加惠元元為念

曩因河堤衝決有關運道民生屢荷 翠華巡

幸指授方略自康熙己卯 回鑾後迄今壬午

又歷三載值河工告成

上允河臣張鵬翮疏請今秋 親臨閱視指示善

後之策 臣聞 命趨迎境上嗣奉 諭暫停 臣

祇遵旋吳明年春再往恭迎扈從月餘備荷種

西陂類稿

卷四十一

種 恩遇抽毫拂素撰迎 鑾二紀一卷

壬午九月二十四等日節准兵部咨調遣扈從兵

馬安設塘站准鴻臚寺咨文武各官五十里以內

迎送在籍各官免准總督倉場咨預備船隻繹夫

准工部咨預備柴炭准光祿寺咨日用豬鵝等物

照時價採買准禮部咨

皇上所過嶽瀆歷代帝王陵寢預備致祭准戶部

咨沿途喂養馬駝牛羊草束照時價採買二十五

日自吳門登舟迎

駕二十六日舟抵常州准吏戶兵工各部咨奉

上諭諭吏戶兵工四部朕念黃淮兩河爲運道民生所繫屢次南巡親臨閱視以疏濬修築之法指授河臣閉六壩以束淮敵黃通海口以引黃歸海比歲以來工程次第告竣修防漸有成效昨年冬月河臣張鵬翮曾以河工善後之策及應修之處請朕親閱指示茲當農事之隙減約從員輕裝南下自徐州一路循視堤堰沿途皆設營幄不御屋廬日用所需悉已儲侍經過地方一切供張宜通行禁止倘有官吏藉名科派累及小民或指稱預辦擅動庫帑察出定嚴加治罪地方大小文武官

員與扈從官員託言親舊私相餽遺及隨從人等有妄行生事者俱以軍法從事閭閻百姓各事本業不須引避有懷挾私怨擅於駐蹕處所告訐者一概不准仍照律治罪爾部卽傳諭扈從人員並行各督撫於所屬府州縣徧張告示務令通知以副朕體恤民生至意特諭十月初一日抵淮安會同督臣阿山分委司道府廳州縣各官誠諭勤慎趨事初五日抵宿遷初九日自宿遷登陸晚抵山東紅花埠十二日接總漕咨十月初八日奏事存柱來保傳與大學士馬齊

上諭朕乘冬月巡閱河工途中皇太子抱恙耽延數日今已全愈但身體尚弱宜加調理朕不便遽舍前往若再候數日起行恐河凍天寒水手繹夫未免苦累朕因此停往閱河江南官員各有職守不必越省迎接俱著回去來歲春朕巡閱河工應備各項俱著於來春預備可作速行文曉諭是日自紅花埠旋吳二十二日抵署癸未正月初七日准兵部咨預備船隻於正月二十日到宿遷每日用繹夫六百名動正項錢糧初九日自吳門登舟迎

西陂類稿

卷四十一

三

駕二十三日抵宿遷會同總督安徽巡撫提鎮諸臣督催文武各官備辦迎

駕事宜二十五日自宿遷登陸住峒嵎二十七日
至紅花埠二十八日至郟城縣二月初一日子時
內務府營造司郎中佛保到郟口傳

上諭巡撫宋榮有年紀的人不必遠接著回宿遷
祇候時將軍提督諸臣已先往前途辰刻臣榮同

安徽巡撫臣喻成龍兩淮鹽院臣羅瞻狼山總兵
臣劉含高及司道諸臣於郟城北五里墩跪迎

聖駕

上乘馬 皇太子 四貝勒 十三阿哥隨行

上望見臣榮向 皇太子云此卽宋榮向臣云爾

多少年紀臣對云臣今年七十

上微笑向 皇太子云還健略問諸臣年歲卽行

申刻村舍進膳 賜臣等迎 駕各官御饌

駕將行一老年侍衛詣臣曰公宋巡撫耶余名鄂

羅年六十八

世祖朝侍衛與公同事守

孝陵多年今扈從南來

上命與公相見因握手話舊言貌依稀辨之

西陲類稿

卷四十一

四

上乘馬方行鄂羅趨進覆 旨

上爲欣然鄂羅舊臣碩德 聖眷最篤稱馬法而

不名薄暮

駐蹕伺晤初二日五鼓啓行午刻抵宿遷縣河漕

督撫諸臣扈從侍衛馬武傳

旨朕經過泰安新泰蒙陰沂州郯城等處見民有

饑色應急行賑救經過地方雖經賑濟蠲免錢糧

但州縣倉穀年久朽爛無裨於散賑著總漕桑格

將漕米留二萬石交與張鵬翮揀選賢能官員運

至濟寧兗州等處州縣減價平糶有應賑之處卽

行賑濟再交米二萬石與桑格於泰安一路散給
又將收稅有力之官七員並發在京旗民犯罪降
級贖罪人一百名令伊等俱照養蒙古例以所用
之多寡分別議敘

上登御舟過中河登陸渡黃河閱堤工晚

駐蹕小桃源邨居初三日於黃河南岸隨

駕閱堤初四日酉刻御舟進清口停泊初五日

辰刻御舟啓行亭午

駕進淮城

駐蹕總漕公署進膳紳士進詩賦或收或發還百

西陂類稿

卷四十一

五

姓進衣進宴皆溫諭不收賜漕臣桑格御

書名河臣張鵬翮進見面加獎勞御製覽淮

黃告成詩一首殷勤久矣理淮黃幾度風塵授治

方九曲素稱天下險四來實爲兆民傷使清引濁

須謹慎分勢開疏在不荒雖奏安瀾寬旰食誠前

善後奠金湯賜鵬翮淮安道府廳各官賜御

書有差侍衛馬武等傳

旨著總漕桑格將今歲漕糧截留二萬石運至泰

安等處被災地方會同巡撫酌議糶賑再動漕項

銀一萬二千兩交與侍讀學士殷特布等齎往賑

濟薄暮登舟夜行初六日過寶應高郵初七日辰刻過邵伯更樓奉

上諭諭總河張鵬翮此地舊日被災形狀與今山東饑民無異朕今日觀此地安居景象豈忘山東饑民乎朕念運糧賑濟關係緊要乘今日順風爾作速回清江料理轉運漕糧差官前往散賑將抵揚州一路商民奏樂叩迎絡繹不絕

駕幸天寧寺 皇太子 四貝勒 十三阿哥侍

行各官扈從齋罷還 御舟晚泊塔灣 幸行宮

凡進詩賦照前或收或發還進衣進宴照前 溫

西陂類稿

卷四十一

六

諭不收初八日辰刻啓行泊瓜洲初九日

駕幸金山天氣晴和

上徧爲探歷 御書動靜萬古四大字 皇太子

書水天浮玉四大字鎮江將軍馬三奇請勒石山

中

上命江南二巡撫暨現在扈從各官赴江天寺彌

勒殿觀 御書時江寧將軍鄂羅舜副都統鄂克

遜馬三奇及副都統蔡毓茂趙玥江南提督張雲

翼同至

上南面據案陳設筆硯綾紙 皇太子 四貝勒

十三阿哥侍

上命

臣 犛作字

臣 奏

幼學書未就筮仕多年草

草批判絕不成字曾於三十八年啓奏過今

天顏咫尺愈愧悚不能搦管安徽巡撫喻成龍亦

以不善書對提督張雲翼書

帝德如天四字

臣

犛等奏云

皇上御書日月也

臣

等燭火耳恭請

親灑宸翰

俾臣等跪觀有萬其幸

上領之遂草書程顥雲淡風輕一絕又行楷用黃

庭豎體書前詩一過又行書翠生拳石草香散膽

西陲類稿

卷四十一

七

瓶花一聯

命

皇太子

四貝勒

十三阿哥書

皇太子

書雲裏帝城雙鳳闕一聯

四貝勒書潮平兩岸

閣一聯

十三阿哥書綠野明斜日一聯

臣

犛等

奏云我

皇上御筆集書學大成高出從來帝王之上非臣

下贊頌所能盡

皇太子

四貝勒

十三阿哥

仰荷

皇 upper 指授筆法咸入鍾王之室臣等於名山勝地

恭逢

聖主揮毫允爲曠代奇觀伏乞 天恩頒賜墨寶

臣 犛復奏云昔宋臣范成大蒙宋孝宗賜石湖二

字奕世傳爲美談在孝宗不過南宋偏安之君我

皇上乃堯舜之主相去霄壤臣 功業雖不及成大

然遭逢之盛不啻過之臣 家有別業在城西陂乞

皇上賜臣 西陂二字壓倒成大不令獨有千古

上云此二字頗難寫臣 對云誠然臣 常求之善書

者多不能書刑部尚書王士禎與臣 同學常云此

二字倘得 御書方爲不朽盛事臣 下情不勝顯

望時諸臣競進求書臣 奏云臣 老矣以齒當先

西陂類稿 卷四十一 八

賜臣 上笑云朕本好書爾求之甚力且爾七十歲人朕

不忍却走筆作西陂二大字面 賜臣 叩頭祇

受

上還行宮向侍衛云宋犛啓奏是有學問口氣少

頃 命侍衛海青將西陂字取入重書一過 賜

臣 復 賜御製元旦七言律詩一幅 賜安徽巡

撫喻成龍除夕五言律詩一幅 賜將軍都統提

督及布政使劉殿衡江常鎮道施朝輔鎮江知府

王侃等 御書各有差羣臣謝 恩訖復 賜素

饌薄暮啓行泊京口初十日過常州無錫十一日
未刻抵蘇州百姓奏樂叩迎喧闐數里金壇民譚
近雅等叩闕請令原任知縣劉茂位清丈田地
又有獻湖漕成案者請開練湖蓄水濟漕俱奉

旨交臣犖查議吳縣人倪喬監生江弘文獻詩

上命大學士張玉書祭酒孫岳頌暨臣犖全閱覆

奏臣等奏云弘文詩雖未成青年可造喬用韻雜

亂

上命發還

駐蹕織造衙門江南督撫進蔬果百種不收凡獻

西陂類稿

卷四十一

九

詩賦照前或收或發還進衣進宴照前溫諭不

收紳士商民僧道於瑞光寺圓妙觀及各名山建

醮祝壽賜將軍督撫提鎮御饌此後

駐蹕蘇州諸臣每日兩蒙賜饌臣犖又蒙特

賜御饌一次又特賜御廚點心八種十二日

駐蹕織造衙門辰刻幸虎丘申刻還行宮

御製虎丘詩一首秀壁名吳水懸蘿接紫霞仁風

期大吏厚俗止紛華停輦輿情問開軒畝畝賒筌

歌陳勿用意使盡桑麻侍衛海青馬武奏事存柱

捧出賜臣犖竝賜御製督撫箴一幅

上諭云爾在此做官多年安靜和平特以賜爾虎丘詩中意爾會得麼臣瑩奏云臣至愚極陋承之此地多年毫無善狀蒙天語褒獎感愧無地伏讀御製虎丘詩仰見我

皇上敦樸戒奢移風易俗德意流露行墨間臣不

才敬當奉揚仁風聿觀聖化時隨駕迎駕

及在籍各官多有進獻

上量收一二臣瑩恭進萬壽詩七律百韻一冊

竝進家藏書畫數種蒙收萬壽詩及書籍墨蹟

六種又進皇太子蒙收書畫五種十三日賜

西陂類稿卷四十一

十

臣瑩哈蜜瓜三箇哈蜜瓜乾一盤西域六稜葡萄

一株西域公領孫葡萄一株

駕幸浙江傳

旨巡撫宋瑩免隨駕十六日起平望接

駕十九日晚

駕自浙回舟泊王江涇二十日丑時御舟過平

望午刻

駐蹕織造衙門吳縣民錢廷翹等叩閭請將原

任吳縣知縣今陞廣西上思州知州梁鳳翔仍留

原任奉

旨交臣犛查議江南督撫進宴百桌收分賜從

官

上諭諭大學士馬齊張玉書朕至浙省將浙省原任堂官翰林官員有因公註悞革職降級年六十以上接駕者俱著給還原品今至蘇州著將原任堂官翰林官員內有因公註悞降級年逾六十以上者查明具奏伊等俱已年老幸遇朕巡視著將原品給還臣犛准內閣咨查有原任詹事府衙門左春坊左諭德秦松齡翰林院檢討降補行人司行人馮勗翰林院檢討降調潘耒翰林院檢討徐西陂類稿卷四十一

十一

欽等四人具摺開列付奏事存柱等轉奏本日奉旨著各給還原品臣犛覆奏金壇縣前令劉茂位原以貪劾去任毋庸令其清丈田地譚近雅等依律治罪又奏丹陽練湖舊有蓄水濟漕之說今湖久已淤塞開墾成田不必更張俱奉

旨依議臣犛奏為糙米折價維艱荒田開墾匪易

謹具摺奏仰祈聖裁事一為蘇松常三府屬白

糧向係雇船裝運全書編有運船飯米一萬七百餘石迨白糧改於漕船帶運部議將飯米照依改折白糧事例每石折銀一兩五錢解部但此項原

係編徵糙米今令州縣照白糧折解定價與時值懸殊又江蘇等八府州屬漕糧向例正米耗米每石概給贈米五升續經部議耗米不准給贈每年計有減存米二萬餘石部定每石折銀一兩二錢亦較時價過昂康熙三十五年以前之米先經題准將本色搭運其三十六年以後部議復令折解殊滋苦累恭請 聖恩准將減存飯贈等米仍於漕船搭運以實 天庾一爲淮揚二屬鹽城高郵泰州興化寶應五州縣及歸併鹽城所水滄版荒田地二萬三千餘頃今已漸涸惟是前項田地係

西陵類稿

卷四十一

十一

康熙七年河決衝滄至康熙二十九年涸出比因積滄日久難於開墾及三十二年復被水沉經前督臣傅臘塔於謹陳淮揚年久版荒等事案內會題奉

旨蠲免錢糧俟水涸開墾起徵今雖陸續涸出但滄沉三十餘載之地草根固結耒耜難施且原主已不可問必須招徠墾種若起科期迫欲墾之人觀望不前 國賦反致虛懸合請 睿慈俯寬起科年分容 督令地方官分晰確查除未涸者仍俟每歲委員查勘外其已涸見在有人承墾之田

定限三年之後起科若雖已涸出佈種乏人尚須
招徠承業者定限六年之後起科俾小民樂於趨
事盡力耕鑿按年輸賦仰戴 皇恩無極矣事關
國賦民生 臣謹具摺啓奏恭候 聖裁以便另疏
請 旨施行奉

旨回鑾後具奏蒙頒發 御製詩二集 命 臣 犖

照式刊刻二十一日 皇太子幸鄧尉華山支硎

諸名勝

上賜 臣 犖 御書清德堂額又 命 臣 撰官箴三

命凜家學一經傳對聯竝書以 賜又 賜關東

西陂類稿

卷四十一

三

羊二牽嬾子酒一瓶鹿肉乾二種鹿舌鹿尾魚乾

風羊肉糟雞等物 臣 犖覆奏原任吳縣知縣梁鳳

翔居官素優但陞員無保留之例不便准行奉

旨將原呈人逐釋傳

諭明日啓行官民跪請留 駕 允留一日 命

督撫藩臬各將藏書目呈覽時督藩臬諸臣皆無

臣 犖進西陂藏書目一冊計數萬卷皆尋常書籍

無甚秘本

上覽過云今日冗甚不及細覽可暫發還二十二

日

上命隨 駕各省督撫以下州縣以上各官俱寫
字進 呈大學士馬齊張玉書監閱昨 駕幸浙
江臣 瑩蒙優老殊恩 命於吳門祇候敬賦一律
卽書以獻隨刊績奏 幸南邦翠蓋華芝泛大江
吳越韶光開輦路湖山秀色入船窗 湛恩汪濊
康衢頌 睿藻繽紛藝苑降白首重蒙 優詔及
自憐遭際近無雙

上覽過將各督撫及江蘇布政使劉殿衡所書發
內閣存案餘俱發還 賜蘇州及沿途効力文武

大小各官 御書有差在籍各官求 御書 命

西陂類稿

卷四十一

十四

各寫字呈覽擇而 賜之督撫司道各官求 皇

太子書臣 瑩蒙 賜恭臨 御書唐句一幅 命

侍衛馬武內大臣管鑾儀衛事阿靈阿考驗江寧

撫標遊守千把各官二十三日

上駐蹕蘇州辰刻臣 瑩蒙 召至行宮別殿

上據案東向臣 跪 御座傍北向

上命近前云巡撫氣色很好臣 對云臣 蒙

皇上天恩眷注臣 氣色自當好

上云巡撫有何養生秘術臣 對云臣 竝無養生秘

術

上云氣色何以如此好臣對云臣幼多病因而慎起居節飲食中年病少減晚年頗覺清健風水之說或有之臣曾祖暘年九十有四黃髮兒齒族人常有壽至八十九者臣叔森今年八十五起居飲食如常臣蒙天語垂問或多活幾年未可知上哂之又問爾服何藥臣對云服八味地黃丸六君子湯又問用人參否臣對云用人參多不過三錢

上顧太監李玉云取好人參賜與

上云爾爲巡撫朕不曾聞人說爾有異樣好處自

西陂類稿

卷四十一

五

江西調任以來安靜和平且蘇州何地十二年中未嘗多出一事來朕到此無一人說爾不好爾真是好官深得大臣之體臣對云臣生明末中原大亂八歲陷賊中匿一蘆席下賊以槍刺席颯颯有聲幸不及臣是天留臣爲聖朝犬馬也順治四年三月奉

上諭諭吏兵二部國家當開創之初文武大臣俱爲國宣力在京三品以上在外總督巡撫提督總兵各送親子一人入朝侍衛察試才能授以任使時臣父權官國史院大學士臣年十三遵諭入

侍曾記一日侍宴中和殿蒙

世祖章皇帝賜_臣珍果十二盤_臣叩頭謝恩畢

取一二品置懷中

世祖望見問曰爾意云何_臣對云_臣祖母丁今年

政七十_臣將攜歸與祖母嘗之

世祖聞而色喜云此後任爾攜帶_臣祖母及舉家

蓋終歲飽天廚也_臣幼蒙

先帝恩遇如此及_臣之壯也蒙我

皇上破格簡拔敷歷中外濫竽旄節今又得瞻觀

皇太子_臣何人斯遭逢之盛無以加矣_臣昔在江

西坡類稿卷四十一 去

右四載不過潔己率屬毫無建樹蒙天恩調撫

江蘇等處臨行萬姓遮留兩泣_臣亦淚下霑襟卽

今江右人過_臣家必望門下拜_臣家人偶過江右

餽遺飲食不絕足見江右人情之厚_臣初至吳門

人多不信浪傳_臣被盜失金珠甚多後_臣奉命

同吏部尚書熊賜履兩江督臣傅臘塔赴淮安查

堤壓河占地畝二臣偶以此事問_臣不勝愕然

迨歸署適值講鄉約之期_臣遂於公所笑語士民

曰昨聞此間喧傳本院失去金珠請與爾士民一

熟計之若係家間金珠何必攜來署中收藏若係

吳門屬官所餽或在一二年後貓鼠同眠亦未可
定乃本院莅任方一月無向屬官索金珠之理卽
索亦未必敢送是此金珠必江右物矣何以江右
之民愛本院之深耶衆爲笑謝今十二年之久皆
深信與江右無異兩淮鹽商每年陋規餽巡撫萬
金臣自江右至今計十六年槩未受各關差有應
餽五千金或三二千金臣俱不受絀緞食物間受
之司道亦然近苦無柴擬向知府要此臣實情也
若布衣蔬食臣舊家子有所不能臣不敢自欺以
欺

西陂類稿

卷四十一

十七

皇上

上笑云朕皆知之

上問地方官某某

臣

俱以實對又

問蘇州知府

何如

臣

對云知府石文焯係三十八年

皇上南巡前督臣張鵬翮與

臣

面奏蒙

恩陞授

之員到任來實心任事頗爲稱職今日閱邸抄文

焯以盜案降一級調用業經奉

旨惟是文焯有加二級不知部臣何以未曾抵銷

臣請

皇上寬恩留任庶於地方有裨

上云爾卽具摺子來臣奏云臣今年七十原擬疏

請休致因聞

聖駕南巡故中止恐致仕後不能再覲

天顏也今臣仰瞻之願已遂欲懇天恩放歸林

下伏候俞允以便具疏

上云爾精力尚健不必陳請臣對云貪位慕祿人

臣所戒但旣蒙

皇上如此弘恩臣何敢復請謹龜勉供職或一年

或二年實實衰憊再當疏請倘遺悞封疆臣罪滋

大至任子爲近世所輕

西陂類稿

卷四十一

六

皇上用臣原屬非常曠典本朝國史自當明書

某年月日

上以宋犖爲巡撫臣惟冀某年月日宋犖致仕去

俾臣爲聖世完人足矣語云行百里者半九十

蓋言晚節末路之難也臣在江右曾寄一緞與臣

妻臣妻駭甚曰家間有之何庸此臣子至舉人赴

京會試曾於三十八年蒙

皇上垂問又子致姪起皆候補道員幼子筠原任

大學士李天馥之壻亦舉人赴京會試皆頗知自

愛不事奢華臣妄取何用若埋多金於地自喪生

平臣不爲也臣曾伯祖纁謚莊敏爲明吏部尚書
與海瑞齊名臣祖沾爲山東福山令頗有遺愛至

臣父權官愈大心愈小家訓最嚴臣每荷

皇上一番寵眷卽加一番凜惕不但以負

朝廷爲懼兼以負祖父爲懼也臣蒙

皇上高厚隆恩不啻家人父子用敢披瀝至此

上微哂首肯臣奏畢趨出方至戶外聞

上語侍臣云巡撫啓奏甚好卽刻侍衛海青五十

太監李玉捧出貂帽一頂團龍緞袍褂一襲人參

三斤賜臣昨曾求眼鏡今五十捧出綠端玻

西陂類稿卷四十一
元

璿眼鏡一枚竝賜臣云

上以備用者不佳卽以

上所現佩者賜爾皮套上用金絲繡四篆字襟飾

精絕允爲奇珍臣隨行三跪九叩頭禮謝 恩祇

受訖官民再請留

駕未 允 御製詩一首癸未春二月二十日自

杭回至蘇州是夜雨二十一日朕欲北行地方大

小官員百姓留住二十二日雨甚再留不能起行

二十三日雨晴又欲留故書懷以示踟躕星夜兩

河工又至吳鄉船趁風春雨姑蘇留豹尾黎情江

浙戀青驄翠華景從無雲蓋徧覆時巡有折衷不
意龍蟠虎踞勝豈因景物雜謙冲又御製巡省
江浙見閩閩稍有起色示諸臣省刑愛民詩一首
巡方不用駕樓船白舫蘭橈問市塵和氣成春知
歲稔清風布澤愛時妍齊民但示蒲鞭辱報國應
同竹節堅莫恃才名輕庶物冥冥中自有青天已
刻

駕行晚泊潯墅關二十四日過無錫幸秦園晚
泊常州白家橋二十五日過常州丹陽抵鎮江二
十六日辰刻自鎮江登陸往江寧常熟民華時雍
西陂類稿卷四十一
二
等叩閩請移潯關於無錫收稅句容民胡聖齋
等叩閩請將革職知縣白良瑄留任俱發臣犖
查議薄暮抵江寧

駐蹕織造衙門二十七日雨

駐蹕織造衙門凡獻詩賦照前或收或發還進衣

進宴照前溫諭不收賜將軍督撫提鎮御饌

賜督臣阿山御書命江寧府縣各官寫字進

呈隨發還各賜御書有差臣犖覆奏華時雍胡

聖齋叩閩二案照律擬罪奉

旨依議皇太子幸報恩寺二十八日卯刻

聖駕仍由陸路返鎮江

遣皇太子詣明太祖陵酌酒晚大雨

駐蹕金山臣瑩具摺請將蘇州知府石文焯留任

奉

旨石文焯著照該撫所題留任該部知道 御製

登金山望長江七言律一首煙雲清處曉霞飛萬
里滔滔映紫微靈液渺茫浮淑氣孤峰嶂翠照晴
暉花翻浪擁疑天色風動帆張共德威晝夜如斯
莫間歇體乾勉已識璿璣 賜督臣阿山勒石山
中二十九日辰刻 幸焦山午後渡江泊塔灣

西陲類稿

卷四十一

三

幸行宮三十日啓行經揚州夜過邵伯三月初一
日辰刻經高郵夜過寶應初二日過淮安 賜漕

臣貂帽龍紋緞袍銀鼠緞褂各一至清江浦

上乘輿往高堰勘隄

駐蹕關王廟河臣進宴收賜從官初三日辰刻

上登舟往六壩閱工晚回關王廟初四日自高堰

還清口進膳 賜督撫御饌

上乘輿自河南岸抵桃源渡河夜行初五日抵宿

遷登舟初六日過邳州黃林莊入山東界夜行初

七日黎明過夏鎮辰刻江南文武各官於梅林開

跪送

聖駕

上停舟 命將軍鄂羅舜督臣阿山漕臣桑格登
舟面加訓諭將軍漕臣退 命臣 犛及安撫喻成

龍登舟臣 等以次跪 御座前

天顏和霽云朕此番南巡看江南風景比三十八
年大好了臣 等奏云江南地方屢蒙

皇上破格優恤元氣漸復萬民感戴 天恩大有
熙皞氣象

上云督撫大吏只要安靜和平地方便受福桑格

西陂類稿

卷四十一

三

原無異常才能却安靜和平深得大臣之體如自
負清廉遇一小事便搜求無已民何以堪宋犛久
任劇地亦安靜和平民心悅服深得大臣之體喻
成龍才品最優但要戒性子為主臣 犛等奏云臣
等蒙

皇上如此優容訓誨敢不刻骨銘心仰答高厚

上問一二屬員臣 山犛俱以實對又問海州知州

陳鵬年居官何如臣 犛對云居官好

上又云從前漢軍督撫題叅多係漢人漢人督撫
題叅多係漢軍這都偏了以後總要從公凡經朕

簡用或薦舉之員一有改操卽當糾劾不可寬假
臣等奏云 天語仁至義盡臣等敢不凜遵臣等

退 命提督張雲翼上江布政使趙世顯以次進

見二臣出 賜二將軍提督各緞袍褂二貂帽一

賜狼山總兵劉含高緞袍褂二四臣謝 恩畢諸

臣跪送

御舟北上十七日旋署具奏謝 恩

西陂類稿卷四十一終

孫品金校字

西陂類稿 卷四十一

三

西陂類稿卷四十一終

孫品金校字

西陂類稿卷四十一終

恩

西陂類稿

西陂類稿卷四十一終

西陂類稿卷四十一終

西陂類稿卷四十一終

西陂類稿卷四十一終

西陂類稿卷四十一終

西陂類稿卷四十二

商丘宋瑩牧仲

迎 鑾三紀

兩河底績萬世永賴自非

聖謨獨運曷克臻此康熙四十四年正月

上以清口一工雖經告竣尚須親臨察驗用籌善

後之策又山東洊饑之民兩年賑救得所果否

殷阜應加周覽二月 乘舟南巡因江浙望幸

最切爰舉省方大典臣衰年久任封疆今三次

迎 鑾蒙 恩獨渥榮幸之餘繼以戰栗敬撰

西陂類稿

卷四十二

一

迎 鑾三紀藏之家塾俾奕世子孫知此日遭

逢之盛云

二月初五等日節准總督倉場咨預備船隻准兵

部咨預備緯夫安設驛站准鴻臚寺咨文官五十

里以內接送武官一百里以內接送准工部咨修

理橋梁道路備辦柴炭准光祿寺咨猪鵝等物照

時價採買准禮部咨經過地方應致祭嶽瀆歷代

帝王陵寢照例預備初八日准吏戶兵工各部咨

康熙四十四年正月二十三日奉

上諭諭吏戶兵工四部朕厯念民生加意河道屢

行親閱一切疏濬修築事宜悉經周詳指畫獲告
成功前黃河之水往往倒灌清口者皆由仲莊閘
與清口相對駱馬湖水勢湍急遂逼黃流灌入清
口朕視河時躬臨相度命河臣移仲莊閘改建於
楊家莊出口工竣之後河臣報稱黃水暢流入海
絕無倒灌清口之患朕尚未經親閱今欲特莅其
地察驗形勢用籌善後之規其中河黃河運河有
應加修防者亦隨宜指示以圖經久至於山東省
洊饑之民賴兩年來極力賑贍繼以有秋幸皆得
所其民間生聚果否殷阜並於沿途親行周覽焉

西陵類稿

卷四十二

二

乘茲仲春解凍減從輕褻循河南下往返皆用舟
楫不御室廬經過地方不得更指稱繕治行宮妄
事科斂其日用所需俱自內庭供御從無纖毫取
辦於民前此屢次南巡閭閻皆所深悉倘有不肖
官吏藉名預備擅動官帑竝圖日後加派補償以
爲巧取侵漁之地者事覺嚴行治罪決不寬宥所
在官吏私餽扈從人員及隨行人役生事擾民者
俱如前旨以軍法從事奸民挾私控訐者從重坐
罪爾部卽通行傳飭仍令該督撫張示徧諭俾小
民咸知朕意特諭初十日自吳門登舟迎

駕十二日過無錫蘇州織造李煦家人自京回南齋

皇上賜臣

御書除夕詩一幅傳

旨巡撫是有年紀的人朕特賜御書御製詩一幅
巡撫見此詩卽如見朕一般隨望 闕謝 恩祇
受訖 御製詩辭舊迎新歲事終未知來日與今
同平生惡酒難堪飲一世勞心不計功滿座兒孫
教樂善數班鴛鴦勸和衷此宵家宴逢除夕須遣
紛紜靜守中二十二日抵韓莊聞衣都額真杜龍
格等口傳

西陂類稿

卷四十二

三

上諭自韓莊聞往徐州回至宿遷上船預備馬匹
修理道路二十九日抵山東仲家淺准 行在兵
部咨奉

旨停往徐州三月初一日仲家淺北十里同江南
將軍鄂羅舜馬三奇總督阿山副都統鄂克遜達
爾花蔡毓茂趙玥提督張雲翼安徽巡撫劉光美
學院張廷樞總兵劉含高穆廷棻及司道跪迎
聖駕鴻臚寺啓奏內臣李玉傳

旨知道了晚泊南陽鎮 賜將軍督撫諸臣克食
傳

旨接駕各官明日行禮初二日御舟將行將軍督撫諸臣在岸侍立

皇上在御舟開牕問宋犖多少年紀臣跪奏云臣

七十二歲

上笑云還是好好的即開船晚泊赤山接駕各

官行禮臣進皇輿表樣本二部

上云刻得著實精太好了錦套一部留覽綾套一

部送與皇太子初三日

上賜臣及山東巡撫趙世顯克食又特賜臣

上用麪一盃

西陂類稿卷四十二

命皇太子分賜自京隨駕大臣果品開船泊

韓莊閘初四日自韓莊閘開船

上見臣在岸行走傳

旨巡撫係有年紀的人兩岸高不便上下以後坐

船在御舟前行以備宣召晚泊丁廟閘初五日

大風雨雪御舟未行

上諭山東巡撫趙世顯朕為兩河告成特來巡視

道經山左見民生自去歲休養之後漸有起色朕

心甚慰夾岸黃童白叟歡呼載道感恩叩謝者日

有數十萬今仲春之時麥苗未長所以無妨倘回

鑿之際正值農忙麥秀恐傷稼穡爾卽曉諭百姓
槩免叩謝各務本業可也故手書特諭 御製喜
雨詩云乙酉南巡途間觀麥少雨上巳日抵微山
湖口聞春雨大霑因賦五言近體一首以志喜農
事徧東臯心閒不自勞聞添濟運水風送逐漁篙
雨罩湖光隱春深日影高遙觀兩岸麥樂志賦輕
舠 命河臣張鵬翮提督臣張雲翼學臣張廷樞

臣 犖恭和 臣 犖詩云

聖德徧林臯 巡行不覺勞甘霖方應節春水已

盈篙夾岸歡聲起瀾天 御氣高老臣慚獨後心

西陂類稿

卷四十二

五

急促輕舠先一日 臣 已奉有在 御舟前行之

旨是日 御舟仍泊丁廟閘扈 駕滿漢諸臣所

乘船隻皆集閘口 臣 舟不得前進頭等侍衛兼副

都統馬武傳

旨令各船分泊兩岸送 臣 舟從 御舟旁經過在

前行走初六日自丁廟閘開行過臺兒莊入江南

境過邳州是日忽病痰喘初七日過宿遷泊桃源

初八日渡黃河 御舟泊清口閱工初九日

駕進淮城

駐蹕漕臣衙門鄉民進獻食品 溫諭不收蘇松

揚州皆然初十日奉

旨淮揚道李梅著調補淮徐道淮揚道員缺著將
張聖鐸補授

駕出淮城登舟過寶應至高郵十一日至揚州便
益門泊十二日

駕幸天寧寺復登舟至茱萸灣

駐蹕行宮 御製述懷詩云朕每至南方覽景物
雅趣川澤秀麗者靡不賞翫移時也雖身居九五
樂佳山水之情與衆何異但不至曠日持久有累
居民耳所以一日卽過者亦恐後日錯借口實而

西陂類稿

卷四十二

六

不知所以然也至於茱萸灣之行宮乃係鹽商百
姓感恩之誠而建起雖不與地方官吏但工價不
下數千嘗覽漢書文帝惜露臺百金後世稱之况
爲三宿所費十倍於此乎故作述懷近體一首以
自警又黏之壁間以示維揚之衆又駐塔灣見物
華先存部屋重桑麻惠風徧拂維揚市沛澤均霑
吳越家作鑑道君開艮嶽長噓煬帝溺瓊花澆胸
經史安邦用莫遣爭能縱慾奢十三日

駐蹕茱萸灣

行宮

臣

病稍愈赴

行宮恭請

聖安

上賜督撫諸臣克食傳

旨揚州府知府左必蕃原係監察御史此等官員俱經內陞將伊亦著內陞仍管揚州府知府事十四日自茱萸灣開船

駕幸金山傳

旨明日往蘇州十五日御舟進京口過丹陽十六日過常州抵無錫十七日

駕幸蘇州

駐蹕行宮

上問巡撫病好了麼臣奏云恭值

西坡類稿

卷四十二

七

皇上萬壽臣病已好了只是氣虛些十八日

萬壽聖節諸臣赴行宮前行禮侍衛五十捧出

御筆書扇二柄一墨書金扇一金書石青扇俱

御製柳梢青詞云可與宋巡撫看臣卽跪求蒙

賜金扇一臣復奏云臣蒙賜御書甚多但未有

泥金書此扇乞并賜臣

上另用泥金於石青扇上書微山湖口御製喜

雨詩一首賜臣因前扇所書皆一詞也御製柳

梢青詞云大塊光風春疇一望滿目從容桂櫂初

搖牙檣始立淑色烟籠隄邊對對賓鴻村莊裏

安平氣融樂志情深讀書意遠與古和同奏事存柱等傳

旨朕有編輯資治通鑑綱目一書是朕親閱過六次者巡撫有力量刊刻麼朕叫李煦幫你

臣奏云

臣蒙

聖恩優渥無可報効此書情願刊刻無庸

李煦幫

臣

進呈書畫等物

上收七種

上云你是有年紀的人今偶抱病不必在此伺候回衙門去安逸些就是明日往虎丘後日到松江浙江亦不必隨去

臣

奏云松江是

臣所屬

西陵類稿

卷四十二

八

聖駕巡幸自然該隨去奉

上諭諭江南督撫學院上下兩江舉貢監生生員人等有書法精熟願赴內廷供奉抄寫者報名齊集江寧蘇州二處回鑾日親加考試晚刻侍衛五十傳

旨巡撫宋犛是老臣凡有自用的小菜不妨進來十九日進皇輿表四十部並小菜點心八種以後每日恭進

駕幸虎丘途次微雨卽回奏事治儀正存柱藍翎來保傳

旨問扈從各督撫浙江學院靳讓居官何如臣榮
奏云靳讓係臣同鄉素不相識然江浙咫尺聞其
考試至公真不要錢諸臣同此覆奏隨奉

旨傳讓至行宮前特加獎勵

上發全唐詩一部命江寧織造臣曹寅校刊以翰
林彭定求等九人分校照常陞轉 御書泰伯廟
匾至德無名子游廟匾文開吳會二十日

上命內臣梁九功捧出 御製松花石硯一方竝
匣雕刻精妙銘云惟靜以為用是以永年 賜臣

云此硯止有兩方留一御用一以賜爾此是獨賜

西陂類稿

卷四十二

九

爾的他日分賜諸臣爾還有分又 賜高麗人參

一斤土木人參一斤臣又進書畫等物

上收五種

上徧賜將軍督撫諸臣食品有差奉

旨宋犖是老臣與眾巡撫不同著照將軍總督一

樣頒賜計活羊四隻糟雞八隻糟鹿尾八箇糟鹿

舌六箇鹿肉乾二十二束鱈魚乾四束野雞乾

一束哈蜜瓜四箇瓜乾二盤瓜乾餅一箇瓜乾二

片瓜乾二條厄者黑爛皮餅一袋枯勒白爛餅一

袋阿兒占酒一瓶波兒多蘇酒一瓶二十一日

賜臣御窯白玻璃魚缸一箇灑金藍玻璃瓶二箇
藍玻璃盤一面黃玻璃小盤十面藍玻璃花筆筒
一箇白玻璃小魚缸一箇藍玻璃座藍玻璃水丞
一箇
駕幸虎丘傍晚回行宮賜督撫諸臣克食二
十二日早賜督撫諸臣克食內閣覆奏常熟縣
民婦吳氏叩閤告庶吉士趙徵介一案交巡撫
審理奉

旨依議

內南書房傳

旨命巡撫將進過冊頁人員近蘇州者回鑾日考
西陂類稿

卷四十二

十

試近江寧者在江寧候考地方文武及外省扈從
各官紳士方外諸臣懇求御書或匾額對聯
上擇而賜之凡諸臣進獻文旣量收一二松江江

寧揚州皆然二十三日吉士
上以詩字考試江西巡撫李基和江南學院張廷
樞及江南藩臬以下州縣以上各官
上登舟出葑門晚泊崑山縣二十四日

駕幸崑山晚泊葑葭浜松江府屬貢監生員孫鉉
等奏稱青浦縣有孔宅爲隋末孔子三十四世孫
蘇州刺史禎葬先聖衣冠處求御書匾對傳

旨赴松江伺候二十五日

駕幸松江府

駐蹕小教場二十六日

上出行宮左右開弓射皇太子十三阿哥同

射內大臣侍衛在外督撫文武各官以次進射二

十七日

上賜督撫諸臣克食復至小教場較射臣在傍侍

立

上令侍衛五十傳

旨巡撫是有年紀的人今又偶病在日中曬恐頭

西陂類稿

卷四十二

十一

暈可往後坐臣奏云

皇上射箭臣見所未見忘其為病

上射畢令各官兵射又傳

旨朕已射完了巡撫可回去歇歇臣賜明方孝孺

忠烈名臣匾董其昌芝英雲氣匾題云華亭董其

昌書法天姿迥異其高秀圓潤之致流行於楮墨

間非諸家所能及也每於若不經意處丰神獨絕

如微雲卷舒清風飄拂尤得天然之趣嘗觀其結

構字體皆原於晉人蓋其生平多臨摹閣帖於蘭

亭聖教序能得其運腕之法而轉筆處古勁藏鋒

似拙實巧書家所謂古釵脚殆謂是耶顏真卿蘇
軾米芾以雄奇峭拔擅能而根柢則皆出於晉人
趙孟頫尤規模二王其昌淵源合一故摹諸子輒
得其意而秀潤之氣獨時見本色草書亦縱橫排
宕有古法朕甚心賞其用墨之妙濃澹相間更爲
夔絕臨摹最多每謂天姿與功力俱優致此良不
易也康熙歲次乙酉三月南巡駐蹕松江府書其
昌孫建中候選州同奉
旨有缺卽用傳

諭明日啓行官紳士民跪請留

西陂類稿

卷四十二

七

駕 允留一日二十八日 御書聖蹟遺徽四字

匾澤及魯邦四海均霑化育裔分吳會千秋永世
蒸嘗對聯 頒賜孔宅先令諸臣衆生員在 行
宮門前展閱畢復傳學臣教官各生員進 行宮
面諭諸生勉力讀書如願在內廷書寫者報名候
考

上硃書手諭諭江南總督阿山巡撫宋犖朕爲兩
河告成楊家莊新河建閘故來巡視因爾等同地
方士民所請過江而南見百姓雖不能家給豐裕
且幸安居樂業而無菜色朕心少慰矣編氓皆吾

赤子數十年休息培養民雖至愚皆已深知所以扶老攜幼日計數萬隨舟擁道歡聲洋溢者降衷之誠也但人多路隘菜花麥秀徧地青苗不能保其無損朕甚惜焉爾等卽出示曉諭萬勿踏壞田苗有負厯念特諭 賜督撫諸臣克食

上出南門閱黃浦江

上見臣同諸臣在

行宮前侍立令頭等侍衛兼

副都統馬武傳

旨巡撫在此歇歇罷不必隨駕傍晚

駕旋臣至

行宮前恭迎復蒙

賜諸臣克食

西陂類稿

卷四十二

十三

上諭動正項錢糧賞提標六營兵丁一月餉銀二十九日

駕幸侍郎王頊齡尚書王鴻緒東西兩園由西門

跨塘橋登舟幸浙江臣於河干跪送

上在船望見令內臣梁九功傳

旨巡撫可在蘇州等著四月初一日臣回蘇織造

臣李煦齋到 御書三種云

聖駕啓行時留以賜臣一福壽二大字題云江寧

巡撫宋犛年逾古稀步履壯健故特書福壽二字賜之又 允臣請 賜魚麥堂三大字匾兒孫歌

舞詩書內鄉黨優游禮讓中對聯十二日

上自浙回鑾臣於吳江三江口跪迎

上問你病好了麼臣回奏云好了又問全好了

麼奏云全好了又問頭不暈了麼奏云不暈了

上見臣僕跪岸傍橋下諭云你們起來接巡撫

去罷

駕進蘇州行宮臣恭謝御書之賜賜督撫諸

臣克食十三日早賜督撫諸臣克食臣進皇

輿表六十部具摺進臣選刻江左十五子詩竝薦

吳士玉顧嗣立宮鴻曆郭元鈺張大受才學素優

西陂類稿卷四十二

請賜考試奉

旨俞允午後復賜諸臣克食十四日臣求家祠

匾額蒙賜世有令儀四字遣掌院學士揆敘

赴府學考進冊頁及願赴內廷抄寫人員傳

旨郭元鈺等十人前已考過優獎今不必再考

賜督撫諸臣克食二次十五日梁九功傳

旨朕有自用豆腐一品與尋常不同因巡撫是有

年紀的人可令御廚太監傳授與巡撫的廚子爲

他後半世受用賜臣地連江海屏藩重賦甲東

南節鉞雄對聯臣具摺請休求九功轉奏奉

旨巡撫摺子朕看過了仍發還

諭云巡撫說他_臣不忍辭朕年實衰邁求於致仕後從伊子處奉朝請他_臣不忍辭朕朕亦不忍舍他且江南人亦不忍舍他奈何他現_臣技刻通鑑一二年後朕自有定奪_臣復奏云_臣技刻通鑑_臣子姪皆可代理但既蒙

皇上如此眷注_臣亦不敢再辭正擬謝_臣恩時忽

傳九功進內又令宣

諭云朕思巡撫說的是回鑿後自有定奪_臣遂叩

頭謝_臣恩訖兩廣鹽院色克圖題叅兩廣運使陸

西陂類稿

卷四十二

五

曾虧空庫銀四十餘萬內有那發商人銀兩請將

陸曾等革職奉

旨交江南江西閩浙督撫議奏應否卽行革職_臣

等會議得兩廣鹽臣所叅陸曾等虧空庫銀若卽

革職恐虧空錢糧難於清完應行兩廣督臣_臣審追

奉

旨陸曾王用俱著暫免革職虧空庫銀情由該督

審明追完銀兩具奏該部知道吏部覆江西學道

劉琰考案各冊竝未詳查任意訛寫明係頂替濫

取應照才力不及例降調奉

旨劉琰居官如何詢問江南江西督撫臣等同奏
劉琰前任江寧知府居官好今陞江西學道居官
亦好奉

旨詢問江南江西總督巡撫奏稱劉琰居官好劉
琰著從寬免處分 賜督撫諸臣克食二次傳

諭明日啓行官紳士民跪請留

駕 允留二日十六日

上賜臣油綠龍紋緞袍一件石青素緞鞋一件秋
帽一頂石青緞韉一雙寶石藍緞韉一雙松花江
大綠端硯一方臣進綾紙筆扇蒙收用 賜督撫

西陂類稿

卷四十二

六

克食二次十七日取中考試人員汪泰來等五十
一人同前考郭元鈺等十人俱赴 行宮引見各

賜御書石刻孝經一部 賜督撫諸臣克食二次

又 特賜臣鹿尾五箇鹿舌七箇野雞乾七束浙
魯魚乾一袋七星魚乾一袋柳條魚乾一袋十八

日

駕出蘇城登舟北上十九日至無錫縣

駕幸惠山午後登舟抵常州時麥苗茂盛望雨甚

殷 御舟過時甘霖大霑二十日抵丹陽時河水

淺澀重運糧艘尚未出京口 御舟到時河水驟

長二尺二十一日抵京口登陸
駐蹕龍潭二十二日

駕幸江寧省城二十三日遣戶部尚書徐潮致祭
明太祖陵鄉民進獻食品蒙收新麥一盤二十四
日考試進冊頁人員江寧一帶久未得雨是日甘
霖大霽賜句容三茅觀第八洞天匾漢蔣子文
廟沛澤庇民匾雞鳴寺雞鳴古蹟匾宋程顥祠接
統濂溪匾國朝傅臘塔祠兩江遺愛匾二十五
日

駕幸報恩寺雨花臺傳

西陂類稿

卷四十二

十七

諭明日啓行官紳士民跪請留

駕允留一日

上命江寧知府陳鵬年恭和御製回舟至常州

甘霖大霽詩二十六日

載歸古題

上諭諭江南總督阿山江寧巡撫宋犖安徽巡撫
劉光美朕念切民生凡巡幸所經之處諮詢利弊
訪問官方未嘗少懈向因江浙人情好尚詞訟因
而傾家敗業者往往有之邇來習俗頗覺淳厚詞
訟已減大半生聚稍加繁殷雨暘有時麥田茂美
朕心甚慰念江寧安徽錢糧已經節次蠲免今車

駕親臨特頒沛澤將江寧安徽所屬地方人犯亦應照浙閩加恩槩從末減可將康熙四十四年四月二十六日以前凡罪犯詔款不應赦者不赦外其餘死罪以下已發覺未發覺俱著減等發落四十三年秋審奉旨監候緩決者一併減等發落仍開具人數奏聞蓋普天赤子咸在化育之中縲絏愚民亦有自新之路爾等其體朕矜恤黎元慎重民命之至意卽詳恪察明遵行特諭

駕幸演武場較射

上與 皇太子 十三阿哥及內大臣侍衛總兵

西陂類稿

卷四十二

六

以下各官依次進射二十七日

回鑾

上詣明太祖陵經靈谷寺至龍潭登舟二十八日駕從龍潭登陸至高資地方復登舟順流而下駐蹕金山二十九日 賜漢焦先山高水長匾宋周敦頤理明太極匾米芾寶晉遺踪匾宗澤忠蓋永昭匾陸秀夫忠節不磨匾 國朝羅明昇奮勇致身匾明昇南陽人鎮江營都司順治己亥海寇入犯戰死談家洲傳

諭明日啓行大學士張玉書同各官跪請留

駕 允留一日三十日

駐蹕金山

上書唐張祐龍出曉堂雲對聯未竟有龍自雲端
蜿蜒而下長數丈萬目驚觀歎爲百靈効順寺僧
奏云龍挂

上云此龍見也閏四月初一日

上渡江

駐蹕茱萸灣

行宮先一日高旻寺塔放光初二

日 賜漢董仲舒正誼明道匾宋胡安國經術造

士匾歐陽修賢守清風匾取中考試人員錢榮世

西陂類稿

卷四十二

九

等七人赴

行宮引見初三日傳

諭明日啓行各官及紳士商民跪請留

駕 允留二日初五日臣請

皇上萬安梁九功傳

旨問巡撫好麼

臣奏云

臣好九功又傳

諭江南

地方寒暖不時朕加意調攝飲食止七八分飽連

日甚好有暇但寫字耳昨 皇太子來請安稱朕

懷抱恬適竝無一些火氣初六日 御舟自茱萸

灣北上初七日早過高郵 御舟晚泊淮安南黃

浦地方初八日

駕幸淮城

駐蹕漕臣衙門初九日

上登舟泊清口初十日

駕往高堰閱工

上諭淮徐道李梅病甚留一大夫照看可去之時
卽帶至京師這員缺緊要著將天津道蔣陳錫調
補十一日

駕幸惠濟祠閱工渡黃河十二日

駕幸桃源九里岡閱工十三日過宿遷十四日泊

臺兒莊十五日 御舟至夏鎮時臣先往珠梅閘

西陂類稿

卷四十二

辛

伺候將軍提督司道諸臣在夏鎮恭請 聖訓

上傳各官至 御舟旁 面諭武官須訓練兵馬

文官須安靜奉職地方自有公論非可矯飾干譽
諸臣叩謝畢赴前途候 駕十六日

駕過珠梅閘

上見總漕桑格臣 犖在岸站立 問爾等因何在

此桑格奏云臣願送

皇上進京臣 犖奏云臣願出境遠送

上云巡撫可卽留此總漕送至濟寧臣 犖隨同將
軍諸臣前行將五里許梁九功飛馬前來齎 御

書製硯說一卷賜臣傳

旨爾居官很好向賜爾御書甚多今又特賜爾製硯說一卷竝齋 御製高旻寺詩 皇太子 皇

十三子及諸臣恭和詩令臣齋送織造曹寅勒石寺中臣隨至 御舟前面陳感戴之私叩頭恭

謝復同將軍督撫提鎮諸臣在岸跪送

聖駕 御製製硯說盛京之東砥石山麓有石礪礪質堅而溫色綠而瑩文理燦然握之則潤液欲滴有取作礪具者朕見之以爲此良硯才也命工度其小大方圓悉準古式製硯若干方磨礪糜試

西陂類稿

卷四十二

三

之遠勝綠端卽舊坑諸名產亦弗能出其右爰賡以錦匣臚之斐几俾日親文墨寒山磊石洵厚幸矣顧天地之生材甚夥未必盡見收於世若此石終埋沒于荒煙蔓草而不一遇豈不大可惜哉朕御極以來恆念山林藪澤必有隱伏沉淪之士屢詔徵求多方甄錄用期野無遺佚庶愜愛育人材之意於製硯成而適有會也故濡筆爲之說甲申中秋日錄舊作製硯說於避暑駐蹕山莊故又記之 御製詩朕覽奏章少倦甲夜得寢又被清磬驚醒復睡夢中作成起時已忘少半故前後增補

以成四韻賜紀蔭老和尚邇來未臨法書久不作
字手澀難於運管字不甚佳春夢深沉新刹中陡
聞清磬在鄰東方疑般若真非相不解金經盡是
空鼻豎眉橫無著落胸寬意闊有塵籠毫光咫尺
臨高眺滿目江干淑景融康熙四十四年歲次乙
酉三月中旬書 皇太子恭和問俗民風指點中
羣情常望九霄東 鑾輿暫憩先觀禮 聖景無
爲盡妙空新刹重重晴旭照 御書燦燦曉煙籠
露盤梵唄經行處浩蕩天光瑞氣融 皇十三子
恭和六經蘊績五雲中應現聲揚寶寺東月殿相
西陂類稿 卷四十二 三

輝長夜朗仙衣涵影見方空偏疑浮玉江干外始
信天邊曙色籠 聖藻新題憐老衲招提靈宇露

光融大學士臣張玉書恭和江表春回指顧中

廟謨已障百川東眼前耕鑿經綸密物外煙雲色
相空浪靜無聲禪欲定山環如黛月初籠 宸懷

契合垂 天藻光燭高旻萬象融子告大學士臣

張英恭和江郭祇園一水中高僧石隱市塵東忽

瞻 御藻垂霄漢彌望天花落半空清澈機鋒塵

界靜光明色相紫雲籠試看佛日昭回處紺宇千

秋景物融大學士臣陳廷敬恭和江淮河漢禹功

中歲月虞巡正向東
天地平成元實相
乾坤俯仰自高空
帝心勤與茅簷運
聖藻還將法界籠
花雨曼陀迎輦道
三春恩共萬方融
戶部尚書臣徐潮恭和
宸遊端爲厪寰中
偶憩江臯梵室東
境靜真如常在目
心清貝葉若聞空
繽紛睿藻天花落
璀璨瑤箋瑞靄籠
仰觀璇題思聖德
高旻萬象盡昭融
禮部侍郎臣胡會恩恭和
法駕初臨紺殿中和風
甘澍滿江東
一聲清磬傳虛籟
萬片香雲湧碧空
寶地河山佳氣繞
銀灣草木瑞煙籠
宸章題就真如徹
極望春暉到處融
掌院

西陂類稿 卷四十二

學士臣揆敘恭和蓮漏沉沉月正中海潮音徹大江東
皇心默與天心合
聖性真如佛性空
金磬聲傳三界靜
玉毫光現五雲籠
禪房萬載留鴻寶
花木長看瑞氣融
侍讀學士臣查昇恭和
玉輦平臨法界中
茱萸灣水接江東
宵衣未穩三更夢
清磬初傳萬慮空
墨灑金輪花雨溼
詩垂寶笈絳雲籠
佛光長護升恆壽
照徹山河萬象融
侍講學士臣陳壯履恭和
梵刹平涵水月中
浮圖高峙海雲東
六時花雨飄金界
五色龍文下碧空
心印早參真諦徹
禪關長見瑞煙籠
山僧捧作山門鎮

奎壁光芒竝日融編修臣楊瑄恭和初序 仙蹕
化城中清磬泠泠隔院東神悟獨能超夢覺片塵
端不染虛空光分蓮炬星芒映香散銀毫月影籠
一自 天章揮灑後千秋佛日倍昭融編修臣勵
廷儀恭和雲馭重經丈室中天花繚繞日初東靈
山老衲窺真乘當代如來指性空萬象總歸心鏡
照纖塵無著月華籠碧琉璃界揮 宸翰墨彩慈
光一片融編修臣高輿恭和金輪覺世日方中淨
域瑠璃峙海東 聖主心隨清梵遠鴻篇響振法
雲空香風縹緲旛徐動瑞靄縈迴塔半籠共慶

西坡類稿

卷四十二

十四

君王無量壽莊嚴寶藏妙光融檢討臣張廷玉恭
和行宮高敞柳陰中紺宇弘開輦路東 聖主詩
成雲滿室老僧心定月當空天花散處香風繞寶
墨懸來瑞色籠羣向下方聞妙諦四時法界總春
融編修臣錢名世恭和 駐輦題詩鹿苑中詞源
直湧百川東人天擁衛禪衢闢翰墨遊行性海空
實語單提胥警省大乘千卷盡牢籠沃洲老衲來
叅學拜誦 宸章宿解融編修臣蔣廷錫恭和古
刹重輝舜日中奎光永鎮蜀岡東寺門當水分三
面塔勢千雲入半空灑翰下方霑法雨超心初地

脫樊籠山僧親奉如來語從此禪關似雪融戶科
掌印臣湯右曾恭和省方鑿輅慶雲中浩浩恩波
滄海東羣仰至仁周宇宙高懸妙悟照虛空香臺
瑞雨朝初潤花界祥煙晚更籠傑閣江山傳 睿
藻毫端萬象入冲融舉人臣賈國維恭和寶刹高
懸法界中宗風分派闡江東閒雲裊磬來精室妙
諦拈花散碧空宿垢應知無色相香臺何處有樊
籠欣逢 聖澤輝煌日淨域同瞻氣象融二十六
日旋蘇具奏謝 恩

西陂類稿

卷四十二

三

西陂類稿卷四十二終

孫乾金校字

